

որ ներքի շանէն հօխայ մի ջուր կու տանէր: Սիրամարդ¹ շատ տեսաք: Կայր կով մի՝ որն 9 ոտք ունէր և ուսն որպէս ըզտու էր: Տեսաք սպիտակ ազուաւ մի, որ թագաւորի մասխարան էր, մարդոյ պէս կու խօսէր, և շան պէս կու հաչէր: Բազայ, թաւուզ դուշի, հնդստանայ կատու, սպանիու սամսար, ջրի շուն, դէրէթի կատու, ջրի կով, հապաշի ողնիք, տավայ դուշի² և այլ կերպ կերպ կենդանիք, որ ոչ էաք տեսեալ՝ տեսաք. ոչ լեզուաւ պատմել կուգայ, և ոչ գրով իմացնել, ոչ ասել կուգայ և ոչ գրել:

Դարձեալ այսչափ որ հաւուզներն լիք էին, ամէն 126 հաւուզ էր. այն ա հաւուզն՝ որ նաւեր կու բանին վերան, շրջապատն շատ ընդարձակ է. ամէնու ջուրը քաշովի է, որ գիշեր ցերեկ 60 ձի բ դուրսպով համաշայ ջուր կու քաշէն. այն ջրի ա հոխան կէս դուռուշ խարջ ունի:

Դարձեալ տեսաք զթագաւորի հայ ուտին: Ինքն և կիներն՝ ՚ի միասին կու նստին. թագաւորն յաջ դիհն, և կիներն՝ ՚ի ձախ դիհն. տիվանխանայի յաջ դիհն թագաւորի տղայն և իւր կիներն. թագաւորի դիմաց՝ եղբայրն և իւր կիներն. ձախ դիհն՝ հօր եղբօր որդին, և կամ հօրեղբօր աղջիկն: Իսկ թագաւորն՝ սեղանի վերին դիհն կու նստի. չորս կողմ սեղանին՝ որչափ մեծամեծք կան, վեզիր, փիւրիյօլ³, մարքէդ, ճինթուլունք, եպիսկոպոսք, և այլ մեծամեծք շուրջ զսեղանոյն կու կանգնին, թէ կամ ՚ի կու խօսի ընդ նոսա:

Եւ կերակուրն՝ որ կու բերեն, յառաջն սկսանի ջրի կերակուր, միս խաշած. յետոյ խորոված միս. յետոյ մեծ թռչունք. յետոյ փոքր թռչունք. յետոյ շէքէր լեմէյով էմիշտայ⁴. շէքէրլեմէ չոր. յետոյ վերջն պանիր. և ամենայն կերպ ուտելեացն լինի աւելի քան 455 կամ 60 թիւրլիւ:

Իսկ Վերսալիա քաղաքն է մեծ և վայելուչ որսի տեղ. և չորս կողմն է լեռոն. և ինքն է դաշտ և բարեձև. և ունի գեղեցիկ շինուածք. և մեծամեծ սերայներ. զոր Աստուած վայելիլ տացէ թագաւորին և ամենայն քրիստոնէից. և ՚ի ցնծութիւն տառապեալ ազգիս հայոց:

Եւ տեսաք զՄիսէօ⁵, մին հալեօր կարմիր մարդ. մինէ օր Դոֆինին, որ աղայ է եզեր իւրն, այս վերոգրեալ հաւուզին և շատըր-

¹ В скобках курсивом: թաւուզ խուշի.

² В скобках курсивом: ջայլամն.

³ Курсивом, не в скобках.

⁴ В скобках, не курсивом: մրդեղէն.

⁵ Следует многократно.